

اتوار 21 دسمبر، 2025

مضمون۔ انسان نوں شامل کر کے کیہ سنسار ایٹمی توانائی نال بنیائے؟

سنہری متن: یرمیاہ 10 باب 10، 12 آیات

”پر خداوند سچا رہا اے۔ اوہ جیوندہ رب تے ابدی بادشاہ اے۔ اوہنے ای اپنی قدرت نال دھرتی نوں بنایا۔ اوہنے ای اپنی حکمت نال جند نوں قائم کیتا تے سیان نال آسمان نوں تانیا۔“

جوابی پڑھائی: ایوب 36 باب 22، 24، 25 آیات

ایوب 37 باب 5 آیت

ایوب 38 باب 3 تا 7 آیات

22۔ ویکھ! رب اپنی قدرت نال وڈھے وڈھے کم کردا اے۔ کیہڑا استاد اوہدے ورگا ہے؟

24۔ اوہدے کم دی وڈیائی کرنا یاد رکھیں جیدی تعریف لو کی گاؤندے رہے نیں۔

25۔ ساریاں لوکاں نے ایہنوں ویکھیا اے۔ انسان اوہنوں دوروں ویکھدا اے۔

5۔ رب عجیب طراں اپنی آواز نال گرجدا اے۔ اوہ وڈھے وڈھے کم کردا اے جنہاں نوں اسی سمجھ نہیں سکدے۔

3۔ بندے وانگر ہن اپنی کمر بنھ لے کیوں جے میں تیتھوں سوال کرداواں تے تُوں مینوں دس۔

4- تُوں کتھے سی جد میں نیور کھی؟ تُوں سیانائیں تے دس۔

5- کیہ تینوں پتالے پئی کنسے اوہدی ناپ ٹھہرائی؟ یا کنسے اوہدے اُتے سوت کھیچیا؟

7- جد صبح دے ستارے مل کے گاؤندے سی تے رب دے پتر خوشی نال لکار دے سی؟

درسی وعظ

بائبل وچوں

1- زبور 33 باب 6، 9 آیتاں

6- آسمان خداوند دے کلام نال تے اوہد اسرار الشکر اوہدے منہ دے دم نال بنیا۔

9- کیوں جے اوہنے حکم دتا تے واقع ہوئیا۔

2- یثوع 1 باب 1 (ایہہ)، 2 (اٹھنا)، 3، 5، 9 (ہو دے) آیتاں

1- تے خداوند دے بندے موسیٰ دے مرن توں بعد ایج ہوئیا پئی خداوند نے اوہدے خادم نوں دے پتر یثوع نوں آکھیا۔

- 2۔۔۔ میرا بندہ موسیٰ مر گیا اے ایس لئی ہن توں اٹھ تے ایہناں ساریاں لوکاں نوں نال لے کے یردن دے پار اوس ملک وچ جاجیہڑا میں اوہناں نوں یعنی بنی اسرائیل نوں دینا نواں۔
- 3۔ جیہڑی جیہڑی تھاں تہاڑے پیردی تلی میٹھاں آوے اوہنوں جیویں میں موسیٰ نوں اکھیا اے میں تہانوں دتا۔
- 5۔ تیری ساری عمر کوئی بندہ تیرے سامنے کھڑا نہ رہ سکے گا۔ جیویں میں موسیٰ دے نال سی اونچ ای تیرے نال رہواں گا۔ میں نہ تیتھوں دستبردار ہونواں گانہ تینوں چھڈاں گا۔
- 9۔ کیہ میں تینوں حکم نہیں دتا؟ ایس لئی مضبوط ہو جاتے حوصلہ رکھ۔ ڈرنہ تے بے دل نہ ہو کیوں جے خداوند تیرا رب جتھے جتھے توں جانویں گا تیرے نال رہوے گا۔

3۔ یسوع 10 باب 1، 3 توں 5 (توں پہلی)، 5 (جمع)، 6، 8، 10 (توں پہلی)، 12، 13 (توں پہلی)، 13 (سو)، 14 آیتاں

- 1۔ تے یروشلیم دے بادشاہ ادونی صدق نے سنیا پئی یسوع نے عی نوں فتح کر کے نیست تے برباد کردتا تے جیویں اوہنے یرکھتے اوتھے دے بادشاہ نال کیتا اوسے طراں ای عی تے اوہدے بادشاہ نال وی کیتا تے جبعون دے باشندیاں نے بنی اسرائیل نال صلح کر لئی تے اوہ اوہناں دے وچکار رہن لگ پئے۔
- 3۔ ایس لئی یروشلیم دے بادشاہ ادونی صدق نے جبرون دے بادشاہ ہوام تے یرموت دے بادشاہ پیرام تے لکیس دے بادشاہ یافع تے عجلون دے بادشاہ دبیر نوں ایہہ آکھن نوں گھلپائی۔
- 4۔ میرے کول آؤ تے میری نمک کرو تے چلو اسی جبعون نوں ماریے کیوں جے اوہنے یسوع تے بنی اسرائیل نال صلح کر لئی اے۔
- 5۔ ایس لئی اموریان دے بیچ بادشاہ،۔۔۔ اکٹھے ہووے تے اوہناں نے اپنیاں ساریاں فوجاں نال چڑھائی کیتی تے جبعون دے مقابلے ڈیرے لاکے اوہدے نال جنگ شروع کیتی۔

ماہرِ نالہ ایبہ سیتھ پلین فیلڈ کرکٹ چرچ، آزاد وکلوں تیار ہو یا ہے۔ ایبہ گنگ جیسے بائبل دیاں آتیاں تے میری بیکرا ایڈی دی گئی لکھی ہوئی کرکٹ سائنس و درسی کتاب، ”سائنس تے صحت آتیاں دی گنجی دے نال“، وچوں لکھیاں ہونیاں لازمی تحریر نال بنیا ہے۔

5۔ یہودیہ دے بادشاہ ہیرودیس دے زمانے وچ ابیہ دے فریق وچوں زکریاہ نال دا اک کاہن سی تے اوہدی بڈھی ہارون دی اولاد وچوں سی تے اوہداناں الیشع سی۔

6۔ تے اوہ دونویں رب دے سامنے راستباز تے خداوند دے سارے حکماں تے قانوناں اُتے بے عیب چلن والے سی۔

7۔ تے اوہناں دے کوئی اولاد نئیں سی کیوں جے الیشع بانجھ سی تے دونویں وڈھیری عمر دے سی۔

8۔ جد رب دے سامنے اوہ اپنے فریق دی واری اُتے کہانت داکم پورا کر رہیا سی تے ایخ ہو گیا۔

9۔ پئی کہانت دے دستور دے مطابق اوہ دے نال دی پرچی نکلی پئی خداوند دے مقدس وچ جا کے خوشبونوں ساڑے۔

11۔ تے خداوند فرشتہ خوشبودے منع دے سچے پاسے ول کھلوتا ہو گیا اونوں وکھالی دتا۔

12۔ تے زکریاہ ایہہ ویکھ کے گھبرا گیا تے اوہدے اُتے دہشت چھا گئی۔

13۔ پرفرشتے نے اوہنوں آکھیا اے زکریاہ! نہ ڈر کیوں جے تیری دعاسن لئی گئی اے تے تیرے لئی تیری بڈھی الیشع دے پتر ہووے گا۔ توں اوہداناں یوحنا رکھیں۔

14۔ تے تینوں خوشی تے خرمی ہووے گی تے بتیرے لوکی اوہدے پیدا ہون دی وجہ توں خوش ہوئے۔

15۔ کیوں جے اوہ خداوند دے حضور وچ بزرگ ہووے گاتے ہر گز نہ مے نہ کوئی ہووے گاتے اپنی ماں دے ٹیڈ وچوں ای پاک روح نال بھر جاوے گا۔

19۔ فرشتے نے جواب وچ اوہنوں آکھیا پئی میں جبرائیل آں جیہڑا رب دے سامنے کھلوتا رہناواں تے ایس لئی گھلیا گیاواں پئی تیرے نال کلام کراں تے تینوں ایہناں گلاں دی خوشخبری دیواں۔

26۔ چھیویں مہینے وچ جبرائیل فرشتہ رب ولوں گلیل دے اک شہر وچ جیدا نال ناصرت سی اک کنواری دے کول گھلیا گیا۔

27۔ جیدی منگنی داؤد دے خانوادے دے اک بندے یوسف نال ہوئی سی تے اوس کنواری داناں مریم سی۔

28- تے فرشتے نے اوہدے کول اندر آ کے آکھیا سلام تینوں جیدے اُتے فضل ہو یا اے! خداوند تیرے نال اے۔

31- تے ویکھ توں حاملہ ہو نویں گی تے تیرے پتر ہووے گا۔ توں اوہداناں یسوع رکھیں۔

36- تے ویکھ تیری رشتہ دار ایشیع دے وی وڈھیر عمری وچ پتر ہوون والا اے تے ہن اوہنوں جیہڑی بانجھ اکھواندی سی چھینواں مہینہ اے۔

37- کیوں جے جیہڑا قول رب ولوں اے اوہ بالکل بے تاثیر نہ ہووے گا۔

6- زبور 32 باب 11 آیت

11- اے صادقو! خداوند وچ خوش و خرم رہو تے اے سچے دل والیو! خوشی نال للکارو۔

7- عاموس 4 باب 13 آیات

13- کیوں جے ویکھ اوہنے ای پہاڑاں نوں بنایا تے ہوانوں پیدا کیتا اوہ انساناں اُتے اپنے خیالاں نوں ظاہر کر دالے تے صبح نوں ہنیر کر دیند اے تے دھرتی دیاں اُچیاں تھانواں اُتے ٹردالے۔ اوہداناں خداوند رب الافواج اے۔

سائنس تے صحت

1- 239:9-10 (توں؛)

بائبل دا ایہہ سبق پلین فیلڈ کرسچن چرچ، آزاد ولوں تیار ہو یا اے۔ ایہہ کنگ جیمز بائبل ویاں آیتاں تے میری یکیر ایڈیوی لکھی ہوئی کرسچن سائنس دی وری کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیائے۔

کلام ساہنوں ایہہ معلومات دیندا اے پئی ”رب توں سب کجھ ہو سکدا اے“، روح لئی ساری چنگیائی ممکن اے؛

2- 15:260-13 (توں؛)

سائنس ساری چنگیائی حاصل کرن دے امکان نوں ظاہر کردی اے تے انساناں نوں اوہ لبھن دے کم اُتے لاؤندی اے جیہڑے رب پہلاں ای کر چکیا اے،

3- 29-23:114

کر سچن سائنس سارے سبباں نوں بدنی نئیں بلکہ ذہنی قرار دیندی اے۔ ایہہ جان تے بدن توں خفیہ پردہ ہٹاؤندی اے۔ ایہہ انسان دارب دے نال سائنسی تعلق دسدی اے، ہستی دے رلے ملے ابہام نوں وکھرا وکھرا کردی اے، تے غلامی دی سوچ نوں آزاد کردی اے۔ الہی سائنس وچ کائنات انسان نوں شامل کر کے روحانی، ہم آہنگ تے ابدی اے۔

4- 27-3:502

تخلیقی اصول، حیاتی، سچائی تے پیار رب اے۔ سنسار رب دی عکاسی کردا اے۔ اک خالق تے اک تخلیق دے علاوہ ہو رکجھ نئیں۔ ایہہ تخلیق روحانی خیالاں تے ایہناں دیاں پچھاناں دے ظاہر ہوون اُتے مشتمل اے، جیہڑے لامحدود سیان دے دامن نال جڑے نیں تے ہمیشہ منعکس ہندے نیں۔

5- 17-503:10

سچائی دے سنسار وچ، مادا گننام اے۔ غلطی دے ہنیرے توں الہی سائنس، یعنی رب دا کلام ایہہ پئی ”رب کل دا حاکم“ اے تے از لوں موجود پیار دی لو سنسار نوں روشن کردی اے۔ ایس لئی ہمیشہ دا عجوبہ، پئی لا متناہی خلا رب دے خیالاں نال آباد اے، جیہڑا بیشمار روحانی شکلاں نال اوہدی عکاسی کردا اے۔

6- 30-10، 8-5:209

سیان، اپنیاں ساریاں اصلاحات اُتے برتر تے ایہناں ساریاں اُتے حکمرانی کرن والی، اپنے خود دے نظاماں دا مرکزی شمس اے، یعنی اپنی خود دی وسیع تخلیق دی لو تے حیاتی؛ تے انسان الہی سیان دا معاون اے۔ مادہ تے فانی بدن یا عقل انسان نہیں اے۔

جگ سیان دے بغیر، اوس ذہانت دے بغیر بھیڑی طراں اثر انداز ہوئے گا جیہڑا طوفاناں نوں اپنی گرفت وچ دبا کے رکھدا اے۔ نہ تے فلسفہ تے نہ ای تشکیک پرستی اوس سائنس دے اگے ودھن وچ رکاوٹ بن سکدے نیں جیہڑی سیان دی بالادستی نوں ظاہر کردی اے۔

دھرتی نوں تشکیل دین والی آمیختہ معدنیات یا اکٹھا کیتا ہو یا مواد، مادیاں نوں یا اک دو جے دے نال جوڑ کے رکھن والی نسبت، طول و عرض، فاصلے تے فلکی شیواں دے چکر فیرا اصلی اہمیت نہیں رکھدے جدوں اسی ایہہ یاد کردے آں پئی

ایہناں ساریاں نوں روح وچ انسان تے سنسار دی ترجمانی دے پاروں روحانی اصلیت نوں تھان دینی چاہیدی اے۔
جدوں ایہہ سب کچھ کیتا جاندا اے تے ایس تناسب وچ، انسان تے سنسار نوں ہم آہنگ تے ابدی پایا جاندا اے۔

مادی مواد یا دنیاوی بناوٹاں، فلکیاتی حساب کتاب، قیاسی مفروضیاں دے سارے مجموعے، جنہاں دی بنیاد مادی قانون یا
حیاتی دے مفروضیاں اُتے یا اوہدی ذہانت اُتے ہندی اے، جیہڑی مادے وچ پائی جاندی اے، ساری اخیریں غائب ہو
جاوے گی، روح دے لامتناہی سنگ ریز وچ نکل لئی جاوے گی۔

7- 8:7-90

دھرتی دی حرکت تے مقام بس سیان دی وجہ توں برقرار اے۔

8- 9:102 (اوٹھ)۔15

پراپتھے روح دی اک اصلی دلکشی اے۔ سوئی دے سرے توں موٹے حصے تیکر رب یعنی الہی سیان دی سب نوں لوئیٹن
والی طاقت یا دلکشی ول اشارہ کردی اے۔

سیاریاں اُتے انسان دایسدے مقابلے وچ بوہتا اختیار نہیں اے جنہاں اوہناں دے خالق اُتے اے، کیوں جے رب
سنسار اُتے حکمرانی کردا اے، پر انسان، رب دی قدرت دا پرچھانواں ہندیایاں ہوئے، پوری دھرتی تے اوہدے سارے
لشکراں اُتے حاکم اے۔

9- 3:520-24(دی)

۔۔ کوئی پودا بیج یا مٹی دے پاروں نہیں ودھ دا، بلکہ ایس لئی کیوں جے نشوونما سیان دا ہمیشہ دا اختیار اے۔ فانی سوچ دھرتی اُتے سٹی جان دی اے، پر لا فانی دا سوچ نوں پیدا کرنا توں اے، نہ پئی میٹھوں اے۔ کیوں جے سیان سب کجھ بناؤندی اے، ایس لئی کجھ اجیہا باقی نہیں رہندہ جیہڑا میٹھلی طاقت پیدا کر دی ہووے۔ روح، انسان لئی فصل نوں کاشت دے قابل بناؤن دا وسیلہ بن دیاں ہوئے، پر اوہنوں مٹی توں اُچا بناؤندیاں ہوئے، سیان دی سائنس دے راہیں عمل کر دی اے۔ ایہدا علم انسان نوں مٹی دے اُتے، دھرتی تے اوہدے ماحول دے اُتے، شعوری روحانی ہم آہنگی تے ابدی وجود ولے جاندا اے۔

10- 24-20:13

جے اسی اک نفسانی بندے دے طور تے رب توں دعا کر دے آں، تے ایہہ ساڈے اوہناں انسانی شبہیاں تے خدشیاں نوں ترک کرن نوں روکے گی جیہڑے ایس طراں دے ایمان نوں اجاگر کر دے نیں، تے ایہی اسی اوس لامحدود تے غیر مادی پیار دے کیتے ہوئے عجیب کماں نوں نہیں سمجھ سکدے جیدے لئی سب کجھ ممکن اے۔

11- 10-6:135

ایہہ معجزہ کسے اختلاف دا تعارف نہیں کراؤندا، بلکہ رب دے ناقابل تبدیل قانون دی سائنس نوں قائم کر دیاں ہوئے بنیادی ترتیب نوں واضح کر دیاں اے۔ بس روحانی ارتقاء ای الہی قوت دی مشق کرن دے قابل اے۔

12- 18-8:133

مصر وچ، ایہہ سیان ای سی جسے اسرائیلیاں نوں و بانواں اُتے یقین کرن توں بچایا۔ بیابان وچ، پتھراں توں پانی دے چشمے وگے تے من اسمان توں ورھیا۔ اسرائیلیاں نے پتل دے سپ اُتے نظر کیتی، تے پوری طراں ایس گل اُتے یقین رکھیا پئی اوہ زہریلے سپاں دے ڈنگاں توں شفا پارہے سی۔ قوم دی خوشحالی وچ، معجزیاں نے عبرانیاں نوں فتح یابی دلوائی؛ پر جداں ای اوہ اصلی خیال توں دور ہوئے اوہناں دی بربادی شروع ہو گئی۔ غیر قوماں دے وچالے قید وچ وی، الہی اصول نے رب دے لوکاں لئی اگ دی بھٹی وچ تے بادشاہ دے محلاں وچ عجیب کم دکھائے۔

13- 31-13:293

ناں دیاں گیسّاں تے قوتاں الہی سیان دیاں روحانی قوتاں دے مخالف نیں، جیدی طاقت سچائی اے، جیدی دلکشی پیار اے، ہستی دیاں ابدی اصلیتاں نوں لگاتار جاری رکھ دیاں ہوئے جیدی پیروی تے ملاپ حیاتی اے۔ بجلی مادیت دی ودھی ہوئی مقدار اے جیہڑی روحانیت یا سچائی دے اصلی جوہر دی مخالفت کر دی اے، جیہڑا ایہدا وڈھا فرق اے پئی بجلی ذہانت نیں اے، جد کہ روحانی سچائی سیان اے۔

ایہتھے فانی سیان دا سگاہ غضب نیں اے جیدا اظہار زلزلے، ہنیریاں، چھللاں، گرج چمک، اگ، بے درد درندگی وچ ہندا اے، تے ایہہ نال دی ای سیان اپنے آپ نوں مارن والی ہندی اے۔ بدی دا اظہار، جیہڑا الہی عدل دے خلاف اے، اوہنوں کلام وچ ”رب دا غضب“ آکھیا گیا اے۔ اصل وچ، ایہہ مادے یا غلطی دا اپنے آپ نوں مارن داد کھاوا کر دے یا مادے دے خلاف اشارہ کر دے نیں، جیہڑا روح دی طاقت تے مضبوطی اے۔ کر سچن سائنس سچائی تے اوہدی وڈیائی، عالمگیر ہم آہنگی، رب، یعنی چنگیائی دی کُلیت تے بدی دے عدم نوں لو وچ لیاؤندی اے۔

14- 30-27،6-4:68

کدی کدی اسی ایہہ سکھاں گے پئی روح یعنی وڈھے معمار نے سائنس وچ بندیاں تے جڈھیاں نوں کینویں بنایا۔

کر سچن سائنس تخلیق نوں ننیں بلکہ افشائی نوں پیش کردی اے، ایہہ مالیکیول توں سیان تیکر مادی ترقی نوں ننیں بلکہ انسان تے سنسار لئی الہی سیان دی عنایت نوں ظاہر کردی اے۔

15- 12،6-5:521 (دی)-17

جو کجھ بنایا گیا اے اوہ رب داکم اے تے سب چنگا اے۔

انسان دی لافانیت تے ہم آہنگی قائم نیں۔ ساہنوں مخالف ٹیو وے توں ہٹ کے ویکھنا چاہیدا اے پئی انسان مادی طور تے خلق کیتا گیا اے تے ساڈی نظر نوں تخلیق دے اوس روحانی ریکارڈول موڑنا چاہیدا اے جیہڑا دل تے سمجھ اُتے ”ہیرے دی نوک“ تے اک فرشتے دی قلم نال کوڑھیا گیا ہووے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچائی، حیاتی تے پیاری سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیاری حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔